

## Persisi tubuh dana Rumah Silat

19 AUG 1987

JAWATANKUASA Persekutuan Silat Singapura (Persisi) dengan bantuan perguruan-perguruan silat di bawah naungannya sedang berusaha membentuk dana bagi mengubahelok 'Rumah Silatnya' yang baru di Mountbatten Road.

Menurut Setiausaha Agung Persisi, Encik Johari H.M. Uriff, persekutuannya yang merupakan salah satu cabang Persatuan Jurulatih Pertahanan Diri

Singapura (SMAIA) memerlukan kira-kira \$40,000 sebagai perbelanjaan mengubahelok rumah yang diserahkan oleh Persatuan Rakyat (PA) kepada Persisi itu.

"Untuk membantu SMAIA mendapatkan jumlah tersebut, kami telah melancarkan satu kempen kutipan derma bagi mengisi dana tersebut awal Ogos ini," jelas beliau.

Persisi juga akan menjalan-

kan beberapa rancangan mengutip derma dari badan-badan kerabat dan anggota-anggota pesilatnya sebagai langkah mengumpul dana tersebut selain merancang mengadakan beberapa projek kutipan derma seperti walkathon.

"Kemungkinan Persisi juga akan mengadakan pertandingan silat di peringkat remaja dan antara sekolah-sekolah untuk mencungkil bakat baru se-

bagai persediaan untuk menghadapi Sukan SEA dan pertandingan di peringkat antarabangsa yang juga merupakan satu usaha mengisi dana tersebut," ujar beliau lagi.

Menurut Encik Johari, apabila siap kelak, Rumah Silat itu akan digunakan sebagai pusat menyelaras program silat termasuk pusat menjalankan latihan dan tempat kursus.